

մի՛ առցէ , այլ 'ի Հին միաբանաց զորն եւ կամիցի , թէ՛ 'ի սպառաւորացն վարդապետաց և թէ՛ յայլոց գործակալաց , նոյնպէս Լուսարարն եւ Զուխաճին . զի մեծամեծ ֆնաս կրեալ է յայսպիսեաց Ս . Վանքն և երեւի կրել . Պատրիարքն եթէ՛ կամիցի շինութիւն կամ նորոգութիւն առնել , խորհրդով գործակալաց արացէ . զի մի՛ յետոյ բամբասանաց տեղի լինիցի :

Երբեք , զոր ինչ տացեն Զուխաճի կոչեցելոյն՝ տու մարաւ լիցի , մի տու մար յարկոյն պահեսցի և մի տու մար առ Զուխաճին . և 'ի կատարիլ տարւոյն հաշիւն տեսցի , և Զուխաճին զոր ինչ տացէ , գրեսցէ , և առանց հարցանելոյ գործակալաց ումեք ինչ մի՛ տացէ . զի մի՛ յետոյ բամբասանս կրեսցէ :

Երբեք , Պատրիարքն առանց գիտութեան Նապրաց միաբան մի՛ առցէ . նոյնպէս եւ այլք առանց գիտութեան Պատրիարքին , եւ առանց գիտութեան միմեանց մի զոք արտաքսեսցեն և կամ արսորեսցեն :

Զորբեք , 'ի մէջ վանաց և արտաքոյ գործակալ կարգել՝ եւ Նուիրակ կացուցանել գիտութեամբ խորհրդականաց լիցի ըստ պատշաճին , և մի՛ ըստ ոմանց ակործակաց :

Հիւնքերբ , Ս . Պատրիարքն զիւրան և զհասարակն մի՛ որոշեսցէ նախանձ արկանելով 'ի մէջ միաբանաց և տեղի տալ տրտնջանաց և բամբասանաց . զի վերացցի իմն և քոյն :

Վէցերբ , 'ի մեռելոց որ ինչ 'ի Զուխաճին տուեալ լինի , ըստ հաճոյից իւրոց մի՛ տնօրինեսցէ . այլ կամօք և գիտութեամբ խորհրդականաց ըստ պատշաճին , եւ մի ոք յափշտակեսցէ ըստ հաճոյից իւրոց :

Եօլներբ , Ս . Պատրիարքն բաց 'ի հասարակ ծախուց՝ վասն Պատրիարքարանին , զոր ինչ ծախեսցէ գրով նշանակեսցէ , և ձեռամբ խորհրդականաց հասարակաց արկղէն առցէ . եւ թէ՛ ում և իցէ պարգեւ ինչ տացէ՝ զայն եւս գիտութեամբ 'ի հասարակ հաշիւն համարեսցէ եւ անտի առցէ , ում եւ երբ տուեալ է , նշանակեսցէ : Եւ 'ի կատարիլ տարւոյն քննութիւն լիցի տու մարաց , եւ Ս . Պատրիարքն վրէժխնդիր լիցի . եւ ինքն տացէ զհաշիւ կոնդակագրամոց և այլոց , և յայլ գործակալաց պահանջեսցէ , և մի ոք ընդգիմացցի Ս . Պատրիարքին :